

# Hec cōtinent in hoc opusculo.

Tranquilli Parthenij Dalmate ad Deum  
Contra Thircas Oratio carmine Heroico.

Eiusdem Epistola ad Clarissimū ac Mobilē  
virum Idicronymū de Croaria in Tap  
phain vtriusq; Juris Doctorem.

Item Epigrāma Viti Merleri: David Rot  
mūd buchornēsis: et Theoderici Spett  
Depositi Stuchardiensis.



## Vitis Merlenus.

Sunt quibus alta placet/turritaq; tecta domorum  
Erigere:& I riuix marmora celsa Deæ  
Pyramidum moles:vasti rhodos aurea Phœbi  
Laudantur Solymi templaq; sacra iugi.  
Nec non belligeris Babylon pulsata quadrigis:  
Et Mausolei saxa superba rogi  
Et Nasamoniacas qui iacet cornibus aras/  
Præscia quas fontis sæpius vnda rigat.  
Hæc quamq; nimis est hominum mirata vetustas:  
Quæ nisi terrenas concelebrabat opes,  
Er septem dixit pulchri spectacula mundi  
Eximia in variis arte reposta locis.  
Sunt tamen aut valido Neptuni versa tridente:  
Indyta vel carpsit nomina tempus edax.  
Aut quatiens tremulo terras vis abdita motu:  
Bellicus aut duro destruit ære furor.  
Horrifer aut Boreas:simul & vulcania pestis  
Paulatim fines iussit habere suos.  
Carmina sunt ullo nunq; moritura sub æuor  
Non ea posteritas perdere sera potest.  
Carmina tam late famam sparsere per orbem/  
Vt vix sint ipsis obliteranda Deis.  
Carmina longeuam pariunt per tempora vitam  
Vates ætati succubuisse vetant.  
Præcipuæ si sint(res est hæc magna profecto)  
Carmina Pierii plena liquore faui.  
Quale meus nuper cecinit non paupere vena.  
Tranquillus:stupidos qui facit ore uiros.  
Quod si forte negas odiis cōmote proteruis  
Liuide/uel stygio pectora felle madens.  
Nunc age peruigili modo voluas mente libellum:  
Quem leuat heroo fama sub astra sono.  
Mox dices genius dabit illis sæcula chartisa  
Atq; est appposito pagina digna Cedro:

## David Rotmund Buchornensis.

Non opus est lapythum/non discere, bella Gygarum  
Thurca ferus populo perstat utroq; magis.  
Cui quæsisse satis non est tot regna tot urbes  
Imminet horrenda (Tygris vt atra) face.  
Colligit ingentes Spaciosa per oppida vires/  
Imperio subigat quicquid in orbe patet.  
Id Deus auertat coelestia numina poscit  
Parthenius/vitæ nostra pericla docens.  
Hoc & Picrii latices in carmine sparsi/  
Et contorta manu tela trifulca uigent.  
Non humana putes moturum pectora tantum  
Cogere sed summum sub sua vota Iouem:

## Theodericus Spett Drepo: sitis Stuchardiensis.

Horrida Thurcarum, minitantiq; agmina sanctis  
Christicolis/magno vix memoranda metu/  
Tranquillus breuiter/mira descripsit & arte:  
Vt noua Meonii surgere plectra putes.  
Ah quales lachrymas/fundit quæ vota Tonanti.  
Flecteret his precibus flumina/saxa/feras.

**Tranquillus Barthenius Andronicus**  
**Dalmata Clarissimo ac Nobili viro**  
**Hieronymo de Croaria iu Zap-**  
**faim vtriusq; Juris Docto-**  
**ri. S. D.**

Et si vir humanissime non satis propriae calamitates mihi deploratae sunt. tamen quum videam Remp. Christianam immanissimorq; Thurcag; rabie vehementer labefactatā/maioresq; indies subiturae esse iacturam/a lachrymis temperare non potui. Ferocissimus quidem ac insensibilissimus hostis instat nostris ceruicibus: atq; vt eodem tempore litora omnesq; oras infestet/ingentes & terrestres/& nauales exercit⁹ vndiq; cogit. Supioribus annis/quum adhuc esset infirmior/Venetis olim potentissimo terra mariq; populo/tūc etiam Gallorū/Hispanorūq; ac aliis auxiliariis copiis potentiori munitissimas in Euboea/Grecia/Achaia/Istmo/Peloponneso/Epiro ciuitates vi ademit:Dalmatiam aut deuastauit/aut occupauit/aut tributariā reddidit. Nunc debellatis bellicosissimis nationibus/subacta Cilicia/Antiochia/Syria/Phoenicia/Mesopotamia/Iudea Palestina/ immissoq; in Lybiam per Canopicum Nili Ostium imperio/quib⁹ Christianorq; viribus prohibebitur/quominus populatiōibus & incendiis totam Europam deformat/nisi forte Principi discordiam/ ac nostra scelera nobis profutura speremus. Idcirco Deum Opti. Max. ut vires atq; animos atrocissimae getis infringat/ hoc carmine deprecatus sum. Quod tibi religiosissimo/ & cōmunia semper mala miserati/meiq; imprimis amantissimo dedicaui/vt sub tuo nomine nullam grauiorē censuram expaueat. Vale. Ex Ingolstadio Nonis Marciis. M. D. xviii

.S. .A.  
Tranquilli Parthenij Dalmate contra  
Thurcas communes Christiano  
rum hostes ad Deum opti-  
mum maximum  
Oratio.

**S**umme Pater/rerumq; fātor/qui lucida olympi  
Et loca pura tenes nullum metuentia finem:  
Qui quatis imperio terram/coelumq; profundum:  
Horrida Neptuni miscētemq; æquora ventis  
Compescis:rursusq; iubes attollere fluctus.  
Sacratam accinctus candenti fulmine dextram.  
Das animum/vitamq; bonis/mentemq; pudicam.  
Ad scelera innumeris sectaris perditā semper  
Supplicis/iusta mundum sub lege gubernans.  
Huc precibus conuerte meis pia numina Castis:  
Immeritos que cura trahat/quā longa laboris  
Ingētis series mortalia pectora verſet  
Diste Pater/nostrosq; metus/miseramq; ruīnam.  
Quam rabidus populoq; tuo/gentiq; minatur  
Hostis/atrox Vultu/manibusq; rapacior atris.  
Religio quem nulla mouet:qui falsq; piūmq;  
Contriuīt pedibus/contemperit ore nefando  
Contra hominum/legesq; tuas/Pulchrumq; pudor ē.  
Nec satis est rapidis supponere Flammis:

Mænia discedite vastatis ædibus amplæ  
Dirripiuntur opes: quas ingens cura/laborq;  
Tempore tam longo per summa pericula vitæ  
Legerat, O superi frustra pia vota fatigant  
Vos hominum, gemitusq; frequens/lachrymæq; fluentes  
Pars ante ora patrū/patrios pars ante penates  
Interfecta iacet: neq; liuida busta paratis  
Conduuntur tumulis: optataq; funera defunt,  
Templa quibus careant maculis: aut deniq; quas non  
Sacrilegas sensere manus? expromere verbis  
Difficile est/magnosq; cient suspiria luctus,  
Vel meminisse piget: modo sancto quælibet ædes  
Nomine plena tuo fuerat: tibi thura, precesq;  
Fundebat populus multo Christianus honore,  
Nunc stabulantur equi: nunc tantum Aegiptia sœdo  
Sistra strepunt sonitu: nunc orgia vana seruntur  
Improba nunc longo turpem stridore Cerastem  
Turba colit: nec Vesta suis placidissima sanctis  
Virginibus prodest: quæ passim crine soluto  
Raptaræ querulis vastissima luctibus antra  
Impleuere/deum frustra clamore petentes  
Auxilium/amisso pulchro sine lege pudore,  
Quid referam miseros/quos post incendia/sæuis  
Post rabiem gladii tristis Fortuna relictos  
Ad grauiora nimis seruauit: dira flagello

Obuolat ante oculos horrendæ mortis imago!  
Terrent mille neces: morte infœlicior ipsa est  
Vita hominum/liccat modo vitam dicere/quando  
Libertas cômune bonum/preciosius auro  
Atq; opibus Lydis/Scithicis longeq; Smaragdis  
Pulchrius eripitur: varios tamen adde labores  
Continuosq; simul: quosdam prope Tartara nigra  
Hærentesq; locos Diti/Stygiaq; paludi/  
Insatiæ amor/lucris quoq; dira cupido  
Viscera telluris mîeros detrudit in ima  
Vnde Hecatê/& grata præcinctum lampade Phœbû  
Conspicere/at frustra sublato lumine/tentant.  
Occupat hinc macies squallentia corpora: pallor  
Plurimus ore venit/morbi/& properata senectus.  
Cogitur hic duris terram proscindere vinctus  
Compedibus/semperq; pati quoscunq; labores  
Et tumidas perferre hyemes/Hyadasq; madentes  
Concretisq; graui requiescere frigore campis  
Vestis egens: demum tolerare famemq; sitimq;  
Ille loco tauri collum summittere iniquis  
Ponderibus currus flagris agitatus aulstis:  
Aspera seu duris.spumantiaq; æquora remis  
Vertere/uel cœlo nocteq; dieq; sereno  
Excipere/& nebulas/sonituq; tonitrua magno  
Densâ micante polo: quando vndiq; pontus/& æther/

Fulminibus iaculatus Athos/atq; altus Olympus  
Contemnit/& superis ysta Acroceraunia flāmis.  
Hinc Aquilo præcep̃s/illinc rugientibus Auster  
Turbinibus magnos voluentes Aethere flūctus  
Ingeminant causasq; metus/mortemq; minantur.  
Ipse igitur satuo bufride sæuior hostis/  
Atq; Oethæis nimium crudelior aris  
Sic tua contemnit temere decreta:fidemq;  
Debilitat:gratumq; tibi/populumq; fidelem  
Conterit assiduus(velut ingens turbo)procellis.  
Hæc fera Thurcarum soboles tot regna/tot vrbes  
Imperio adiecere suo/diūssimāq; arua:  
Paphlagonasq; vagos/buxo vndantemq; Cythoron.  
Fælicemq; Gygis patriam:cui Mæsia cultu  
Lata superiaceat:propriæ quoq; causa ruinae  
Alta diuturno collapsaq; pergamæ bello.  
Deinde premit lyciam/primis notosq; volucrum  
Auspiciis Caras:Cilicum transgressus & vndas/  
Inuisas tunc Cydne tuas/quum tabida regis  
Corpora reddideras:Armenis Proxima post hæc  
Moenia Cappadocum/rigidi claranq; Trapezon  
In gremio Euxini:Medos/Parthosq; fugaces/  
Vsq; ad longinqui seruentia culmina Tauri/  
Caucaseumq; iugum longas protendit habenas  
Imperii:cui diues Arabs/cui thure Sabæns



Insignis/simul & septemPLICIS ostia Nili  
Deflexere caput:manibus tua sacra prophanis  
Sunt monumenta Pater/quæ polluit improbus hostis/  
Et natale solum/& quas tu legeris vrbes.  
Haud Asia contentus erat/Lybiamq; parauit  
Atq; Europææ seruit sibi frigida terræ  
Taurica/& Euxini resonantia littora Ponti. '  
Armiferam Thracem/Lete populosaq; regna  
Aemoniæ/Pellamq; Ducum deuicit alumnæ  
Quid memorem Thebas!quid claro sanguine Achæos!  
Pierios colles!& amæna cacumina Cyrrhæ!  
Eximiam Pelopisq; domum!viridantis oliuæ  
Præmiæq; & doctas ætherno nomine Athenas!  
Chaoniæ gentemq; trucem!querensq; loquentes!  
Dardanos/Tribalosq; simul iuga ferre coægit:  
Misia dehinc capta est:vastatur & Illyris alma:  
Martigenamq; lupi sæuo de more Lycei  
Dalmatiam populatur amens:castella Curetum  
Disiicit in tumulis:nec vos vaga flumina multum  
Pannoniæ tutantur aquæ:vel semper in armis  
Bellaces exercet equos:tristisq; furore  
Excurrit/longis ut Mænas concita thyrsis.  
Non aliter flauas ignis depascit aristas  
Precipitis Boreæ sibilosis flatibus auctus:  
Quam fera progenies vastos bacchatur in agros:

Continuis nostras vires quoque conterit horis.  
Accumulantur opes: gladiosque in cote cruentos  
Exacuit: cunctas donec ferus occupet oras  
Litus, ad Hesperium: quo velox semper Iberus  
In mare spūmosis tumidum deuoluitur vndis.  
Qua uel oliuifero redimitus vellere Bethis  
Lungitur Oceano: proprio dum Marte Britannos  
Vincat: & extremis Talem quoque sinibus orbis.  
Hoc immane genus terra Enceladogque parente  
Progenitum: cui nulla sitini hæc opulentia tollit:  
Postquam terrarum diro possitur amor:  
Dehinc tentaturum (si fas est credere) cœlum  
Montibus impositis conscendere: teque supremis;  
Rex hominum, diuumque Pater depellere velle  
Sedibus: ætherea sanctosque in parte locatos  
Deicere: & pedibus subiectas trudere in oras.  
Nam violat si iura Deum: populumque fidemque  
Persequitur sauo: uelut atrox bellua: morsu:  
Nonne putes diræ si plena potentia menti  
Afforet: æthereæ cœlestia protinus arcis  
Sceptra tibi criperet: Que nos iam maxima cura  
Sollicitat: variisque metus: magnosque labores  
Ingerit: instantem dum tristia fata ruina  
Obiiciunt: tam grande nephas: discrimina tacta  
Quem non cōminuant: tua quæra fidissima plebes

Imploret ventis/pelagoꝝ excussa furenti  
Naufraga! Lædæos fratres ne! an Prothea formas  
Fingentem varias! lituo Tritonaue cinctum!  
Seu forsan nigri dominum Plutona barathri!  
Aut geminam prolem Iatona: aut Martis inanes  
Belligeri sonitus/priscorum numina vana!  
Quæ quoniam grauiter contempsimus/vndiq; certis  
Hostibus affligimur:nobis neq; Sarmata/nec Thrax/  
Non Hicrus intonsus/non est Arimaſpus amicus:  
Quæ faucat toto nulla est gens improba mundo.  
Heu/quod deterius/mutuis Christiana propago  
Decertant odiis inter se: plurimus armis  
Interiit populus: restantur sanguine tincti  
Mincius/atq; Athesis: Benacus & ipse cruore  
Creuerat humano: pulchræ pars deniq; nempe  
Quælibet Ausoniæ miseris repleta virorum  
Funeribus nigro sua tristia vellere cinxit  
Tempora:nunc etiam nunq; fera prælia defunt  
Tu Pater omnipotens/atq; infinita potestas/  
Vnica nostra salus:cuius sine numine sancto  
Nec folia arboribus ventis agitata mouentur/  
Solutus opem præbere potes/obliuia si non  
Te teneant hominum/quod nulli credere phas est,  
Septeno quid enim cœlum fecisse labore  
Prodeffet/certisq; locis elementa tulisse

Humanæ sobolis causa: Christumq; figuram  
Accœpisse hominis: quæ perdita crimina nobis  
Auxilium prohibent: quum te feruentior ira  
In scelera urgeret quondam tollenda prophana/  
Nunq; passus eras/ grauius sine fine tot annos  
Vt tua sic acri premetur turba flagello.  
Tu quoq; Erythræis duri Pharaonis in vndis  
Signa/duces/equites/longam summerferis vltus  
Nequitiam/dignas tribuens pro crimine poenas.  
Et viduæ facinus sæua obfisione fugauit  
Olim hostes virtute tua: vel nobilis Hæster  
Fœmina seruauit populum tua iussa sequentem.  
Nonne piis volucrem Phœbi nostro orbe quadrigam  
Cômotus precibus/multis firmaueris horis?  
Sepe vel in paruo præsens discrimine plebi  
Afflueras/cur nostra precor non vltima damna  
Te moueant! aliis faucas! videre nouerca  
Nonnullis! semper ne metu/ vastoq; prememur  
Agmine curarum! sæui nullusq; laboris  
Finis erit! nullisq; modis minuenda ruina est!  
Sed quibus hostiles plagis/ quibus hostibus ausus  
Comprimeres/ fidos quum sic excludis amicos?  
Iusticiæ quæ forma tuæ! peccata rependis  
Impia muneribus: iustorum vota precesq;  
Negligis: haud possum tamen unq; credere/ quin te

Hæc teneat complexa Deum pulcherrima virtus/  
Qui cœlum & terras æquo sub pondere libres,  
Hæthereos quis enim temere sic iudicet ignes/  
Septenas cœliq; rotas/errantiq; astra  
Temporibus certis/miro quoq; & ordine semper  
Nunc petere Antipotas/nunchas emergere in oras  
Argenteq; hyemes/mitis florentia veris  
Germina & æstatis feruentia labra tepentis/  
Pomiferi Autumni pallentes arbore frondes/  
Et pluias/sudorq; dies producere/nutu  
Absq; tuo! vastis quis claudere posset in antris  
Acoliam rabiem! quis motos sistere fluctus?  
Omnia continuis tua virtus temperat horis.  
Sæpe quidem nebulas disieceris ipse rogatus:  
Sustuleris morbos: atq; atro funera tabo  
Reppuleris: Martisq; sonantia fulmina bello:  
Imperio cæsare tuo Neptunus/& aer.  
Quare igitur qui vera tenes dominator Olympi  
Lumina iusticiæ/totum moderaris & orbem/  
Crudeles/fontesq; premis: virtutibus ampla  
Præmia das/posco miseræ succurrere genti  
Implorate velis/ne spes nos irrita fallat.  
Num sileam/pastumue tuum meminisse pudebit!  
Quum tua candenti sanctissima numina nimbo  
Circumsæpta forent quondam melioribus annis

Dilectam sobolem/cuius vestigia iustis  
Passibus insequimur/tibi longo foedere iunctam/  
Adiectaq; fide firmasti tempus in omne,  
Non hæc interpres diuum Cillenius Ales/  
Nuncia non tulerat lunonia discolor Iris:  
A facie ad faciem manibus mandata sacratis  
In tabulis descripta tuis/& amore paterno  
Cum ductore loquens Hebrææ gentis ad unguem  
Perpetuo dederis: nostros semperq; labores  
Tollere pollicitus: quod vel ratione suprema  
Ducetis vt facias: animantia bruta videmus/  
Hircanas/sæuasq; Tygres/Getulosq; Leones  
Se quoq; pro catulis ultro obiectare periclis.  
Hæc solum natura docet: prudentia nulla est/  
Qua moueantur enim: qualem speremus habere  
Te genitor/cuius comes est sapientia summa/  
Et pietas immensa quidem: nisi crimina nostra  
Grandia te incendant: fateor peccauimus inq;  
Ignarus rerum populus: nos vana voluptas  
Gypsarum manibus/blandoq; teterima vultu  
Allexit: nos turpis amor/nos dira Cupido/  
Ambicioq; gulaq; scelus/manifesta vorago  
Traxerat a recto violenti tramite cursu.  
Quod si longevi iam te non pœnitet æui/  
Teq; tuosq; feris nisi vis committere proflus

Hostibus/O magni certissima gloria mundi  
Sancte Pater/pedibus qui summa tonitrua calcas/  
Vnica spes nostri tandem miserere piorum  
Auertas rabiem/tantam depelle ruinam.  
Supplicii satis est:seruato has denique paruas  
Reliquias hominum:nostris quoque viribus adde  
Virtutem/qua nos hostis,velana prophani  
Agmina ad interitum redigamus:sive subactus  
Legibus/& sacrae supplex obtemperet aula:  
Quisque tuum laudet nomen/votisque precetur/  
Quatenus excelfo contingit vertice olympum  
Maurus Atlas lybiae/atque extremi Garamantes  
Atque vbi Tithoni linquens Aurora Mariti  
Complexus/primas illustrat lampade terras.  
Vsq; & Hyperboreis vicinae montibus orae  
Te resonent/& templa tibi pulcherrima surgat.  
Non aries vitulusque tuis maectentur in aris:  
Balsama/Myrrha recens/passim quoque pingua thura  
Assiduis precibus/magno fundantur honore:  
Omnipotens/solusque Deus/Genitorque voceris:

## Eiusdem Ad lectorem Epigramma.

Ista Sophoclaeo quamuis dicendo Cothurno  
Materia est nostro grandior ingenio.  
Ne tamen angusto semper mea flumine Cimba  
Serperet/ & tenuis me tueretur honos:  
Lusimus instantis comunia damna ruinæ  
Lusimus & populi castra inimica truci s.  
Exoranda meis precibus pia numina blandis  
Successere/ nouo votaꝓ sparsa metu.  
Acqua minus rebus fuerint si carmina lector  
Spreueris haud nimium: nam voluisse sat est.

τελος